



Чоршанба

Maḥalla

Газета 1996 йил январь оидан чиқа бошлаган

Ўзбекистон Оқсоқоллар кенгаши, «Маҳалла» жамғармасининг нашри

Соғувда эркин парҳда

2

- «Мўъжиза»ли маҳалла
- Ўзи учун уддабурон оқсоқол

3

- Санобарнинг сири очилди.
- Ўғрини тўтиқуш тутди

4

- Хиротни чиройли қилган Амир Алишер.
- Шароб хароб айлади.

Ўзбекистон Республикаси Президенти Ислам Каримов Жаноби Олийларига

Ассалому алайкум ва раҳматуллоҳи ва барокатуҳу! Мухтарам Президент Жаноби Олийлари!

Сизни ва барча юртдошларимизни улуғ айём Қурбон ҳайити муносабати билан диёримиздан келган ҳожилар номидан чин дилдан муборакбод этамиз.

Бизлар Маккаи муқаррамадаги муқаллас зиёратгоҳлар Каъбаи муаззама, Арафот, Мино ва Муздалифа водийларида бўлиб, ҳаж ибодатларини чин илос, имон-этиқод билан адо этар эканмиз, жонажон Ватанимиз истиқболи порлоқ, ҳаётимиз осуда, ризқимиз зиёда, Сизнинг раҳбарлигингизда олиб борилаётган барча хайрли ишлар бардовом ва барокотли бўлишини Аллоҳ таслодан илтижо ила сўраб дуода бўлмоқдамиз.

Мустақиллик йилларида Сизнинг ташаббусингиз ва раҳнамалигингизда буюк алломаларимизнинг бебаҳо меросларига муносиб ҳурмат кўрсатилди, Ватанимиздан ҳаж сафарига борувчиларга кенг шароит яратиб берилди, Рамазон ва Қурбон ҳайитлари умумхалқ байрами сифатида эътироф этилди.

Мазкур соҳада амалга оширилаётган оқилона ва одилона сиёсатнинг тақомули ўлароқ Вазирлар Маҳкамасининг «Дин соҳасидаги маънавий-маърифий, таълим ишларини ва фаолиятини янада такомиллаштиришда ижтимоий кўмак ва имтиёзлар бериш тўғрисида»ги қарорининг қабул қилиниши диёримиз мусулмонлари ҳаётида муҳим тарихий воқеа, эл қўнғилидаги айни муддао бўлди.

2004 йилнинг Меҳр ва мурувват йили деб эълон қилиниши азалдан бағрикенглик ва саховатпеша халқимизнинг янада мустаҳкам жиқлашиши, ўзаро меҳр-мурувват, хайр-эҳсон кўрсатиш фазилатларини намоён этишига кенг имконият яратди.

Фурсатдан фойдаланиб, Аллоҳ таолодан Сиз мухтарам Президент Жанобларига эл-юрт равнақи йўлида амалга ошираётган эзгу ишларингизда Яратганнинг ўзи мададкор бўлиши, Ватанимиз обод, халқимиз фаровон, дастурхонимизга қўт-баракат ато этишини сўраб дуо қилиб қоламиз.

ЎЗБЕКИСТОН ҲОЖИЛАРИ
Маккаи Муқаррама, Арафот водийси,
2004 йил 31 январь

ҲОЖИЛАРИМИЗ СОҒ-САЛОМАТ

Хорижий оммавий ахборот воситалари хабарларига кўра, Саудия Арабистонида ҳаж мавсумида шайтонга тош отиш жараёнида Жамарот водийсида юзга келган тикчиллик оқибатида 244 киши ҳалок бўлган.

Ўзбекистон Республикасининг Саудия Арабистонидаги элчихонаси ва ҳаж ишчи гуруҳи маълумотига кўра, қурбонлар орасида республикамиз фуқаролари йўқ.

ЎЗА

Сайлов ва якун

Ўтган йилнинг ноябрь-декабрь ойларида ўзини ўзи бошқариш органлари – шаҳарча, қишлоқ, овул ва маҳаллалар фуқаролар йиғинларининг раислари (оқсоқоллари) ва уларнинг маслаҳатчиларига сайловлар бўлиб ўтди.

Демократик тамойилларга мос ҳолда ўтган бу тадбир фуқаролар йиғинларининг мавқеи тобора ошиб, маҳаллий халқ ҳокимияти сифатида шаклланаётганини кўрсатди. Ўзбекистон Оқсоқоллар кенгаши ва «Маҳалла» хайрия жамғармаси республика бошқаруви раиси Аъзамжон ГАДОЙБОВЕВ билан мухбиримиз бу сайловларнинг якунлари хусусида суҳбатлашди.

— Аъзамжон ака, 2003 йилнинг ноябрь-декабрь ойларида бутун мамлакатни қамраб олган катта тадбир бўлиб ўтди. Ҳажонлар ҳам босиди. Ҳозир қўнғилигиздан қандай фикрлар ўтгани?

— Қўнғилимдан кечган мулоҳазаларни кўп ва ҳўб таъришшим мумкин. Аввало, шунинг айтиш керакки, фуқаролар йиғинлари мустақиллик берган имкониятлар тўғрисида йил сайин такомиллашиб, демократик тамойиллар шарт-шароитига мослаша олди. Айни пайтда у фақат маҳаллага соҳ бўлган бе-назир хусусиятларини намоён этиб, ҳаётда ўз ўрнини топиб бораётган тизимдир. Тўғри, маҳалла деган тушунча юртимизда кўп асрлик тарихга, теран илдизга эга, аммо унинг нафақат

мамлакатимиз, балки бутун дунё ақли қизиқишига сабаб бўлган даври мустақилликка эришган қўнғилигиздан бошланди. Зотан, унинг дунёда ўхшаши йўқ демократик бошқарув органи сифатидаги хайратан ҳам, довруғи ҳам айнан истиқлол тўғрисида, мамлакатимиз Президентини Ислам Каримовнинг бевоқифа саъй-ҳаракати билан юзга келди. У сиёсий, ижтимоий аҳамият касб этиди. Фуқаролар йиғинларининг мавжудлиги ва унинг фаолияти мамлакатимизнинг Асосий Қонунини эътироф этилди. Хусусан, Ўзбекистон Республикаси Конституциясининг 105-моддаси ва «Фуқароларнинг ўзини ўзи бошқариш органлари тўғрисида»ги Қонуннинг 20-моддасига асосан, сиз айтиб ўтган даврда ўтказилган сайловлар ҳам бу органларнинг ижтимоий-сиёсий, маданий-маърифий, бир сўз билан айтганда, ҳаётий аҳамият касб этувчи органлар эканлигига ёрқин далилдир. Бу сайловлар олдидан Ўзбекистон Республикаси Олий Мажлиси Кенгаши «Фуқароларнинг ўзини ўзи бошқариш органларига

сайлов ўтказишни ташкил этиш тўғрисида» қарор қабул қилиб, бу тадбирни ташкил этиш ва ўтказиш билан боғлиқ комплекс режаларни тасдиқлади. Мамлакат парламентида худди шу режалар асосида сайловга ҳозир-

лаётганлиги сизни қизиқтирмайдими? Бу кишиларимизнинг бирон-бир шахсий манфаатлари асосида эмас, балки ижтимоий жиҳатдан аҳамиятли интилиш эканлиги, айниқса, ибратлидир. Содда қилиб айт-

кеганлигининг ўзи кишиларимиз фаолигининг тасаввур қилишга имкон беради.

Бу сафарги сайловларнинг бундан икки ярим йил аввал бўлиб ўтган сайловлардан фарқи катта. Гап фақат ихобий кўрсаткичларнинг ўсишида эмас, балки унинг ортдаги ижтимоий моҳиятдадир. Масалан, бутун фуқаролар йиғинлари раислари (оқсоқоллари)нинг 75,5 фоизи (2001 йили 73,2 фоиз эди) олий маълумотли. 49,1 фоизи ҳозир-гача турли раҳбарлик лавозимларида ишлаган 50 ёшгача бўлган кишилардир. Бу кўрсаткичлар халқимизнинг, яъни йиғин раҳбарларига овоз берган сайловчиларнинг онгу шуури, тушунчаси жамиятнинг тўғри англаш сари ўсиб бораётганлигидан далолат. Зотан, аҳоли оқсоқолнинг маълумоти, раҳбарлик лавозимида ишлаб ортирган тажрибаси эълусу билан ишлашда нақадар зарурлигини сезаётгани биз учун катта ютуқдир. Энг қувончли томони, сайловлар янги жамиятда одамларимиздаги бефарқлик йўқлиб бораётганини кўрсатди.

(Давоми 2-бетда)

ЕТТБ ВАКИЛЛАРИНИНГ ТАШРИФИ

ТОШКЕНТ ЎЗА мухбири Н.ЎЛЖАБОВЕВ.

Мамлакатимизда меҳмон бўлиб турган Европа тикланиш ва тараққиёт банки (ЕТТБ) Бош қотиби Жонни Акерхольм раҳбарлигидаги делегация аъзолари Ўзбекистон ташқи ишлар вазири Содиқ Сафоев билан учрашди.

Ўзбекистон 1992 йил 30 апрелда ЕТ-

ТБ аъзолигига қабул қилинган. 1993 йилдан пойтахтимизда мазкур ташкилот ваколатхонаси фаолият кўрсата бошлади. Ҳозир мамлакатимиз ЕТТБнинг умумий қиймати 42 миллион ЭКЮга тенг 4200 акциясига эга.

Бугун Ўзбекистон - ЕТТБнинг энг фаол ҳамкорларидан бири. Хусусан, ҳозир мамлакатимизда ЕТТБ иштирокида умумий қиймати 1,4 миллиард долларлик 22 лойиҳа амалга оширилаётир,

яна 8 лойиҳа кўриб чиқилмоқда.

Музокарада томонлар Ўзбекистон ва ЕТТБ ўртасида икки томонлама муносабатларни ривожлантириш истиқболларини муҳокама этар экан, мамлакатимизнинг ушбу халқаро молия ташкилоти билан ҳамкорлигига юқори баҳо берди. Бундай самарали ҳамкорлик Ўзбекистон иқтисодиёти-ни ривожлантиришда муҳим аҳамиятга эга экани таъкидланди.



ХУНАРМАНД

Дарахтнинг ҳам тили бор, мунис мусикаси бор, дейдилар. Айниқса, унинг новдаларига жило берилса, кишига қанчалар манзур бўлишини ўйлаб кўринг-а. Қувалик таниқли хунарманд Эргашали Мирзаевнинг кўллари ана шундай сирли хислатга эга, десак, муболага бўлмас. Унинг кўллари жило бераётган миллий ашёлар ҳаммага манзур бўлади.

Бугун Э.Мирзаевнинг 10 нафар шоғирдлари бор.

Суратда: Марғилон миллий хунармандчилиги уюшмаси аъзоси Эргашали Мирзаев.

Тоҳиржон ҲАМРОҚУЛОВ олган сурат.

Мурувват — инсоний фазилат

Қорақалпоғистон Республикаси

«ЭНГ МУРУВВАТЛИ ҚЎШНИ»

Қорақалпоғистон Республикаси Вазирлар Кенгаши шу номда танлов эълон қилди. 2004 - Меҳр ва мурувват йилида миллилараро тинч-тотувликни янада мустаҳкамлаш, меҳр-оқибатлилик, инсонийлик, дўстлик, ёрдамга муҳтож одамларга ҳар томонлама кўмак кўрсатишни янада кенг қулоқ ёйдиришни асосий мақсад қилиб олган мазкур танлов икки босқичда ўтказилади.

Унинг биринчи босқичи Наврўз байрамида, иккинчиси эса Руза ойида яқунланади. Танловнинг бориши маҳаллий оммавий ахборот воситаларида мунтазам равишда ёри-тилади.

Ҳалибларга танлов ташкилотчилари, мамлакатимизда фаолият кўрсатаётган элчихоналар, хорижий ташкилотларнинг қимматбаҳо совгалари топширилади.

БОЛАЛАРНИНГ ҚАЛБИ ШОДЛИККА ТЎЛДИ

Ажнийёз номидаги Нукус педагогика институтини қошидаги академик лицей маъмурияти, жамоат ташкилотлари Қурбон ҳайити қўнғилирида хайрли ва савобли юмушни амалга оширидилар.

Лицей жамоаси вакиллари катта бир гуруҳи Хужайли шаҳридаги 1-Меҳрибонлик уйига таширф буюришди. Ўтган асрнинг 20-йилларида Ҳамза Ҳақимзода Ниёзий ташаббус билан ташкил топган бу даргоҳ тарбияланувчиларнинг яшаш ва ўқиш шароитлари билан танишишди. Лицейдан келган вакиллар Меҳрибонлик уйига аудио видео-техникалар, бошқа қимматбаҳо совгалар, кийим-кечаклар, кутубхонага ҳар хил адабиётлар ҳадя қилишди. Ўз навбатида тарбияланувчилар ҳам меҳмонларга ранг-баранг концерт дастурини намоиш қилишди.

Қизқарли учрашувдан меҳрға ташна болажонларнинг қалблари шодлиқларга тўлди.

А.ИСКАНДАРОВА,
«Mahalla» мухбири.

Тошкент шаҳри.

“ABROR”НИНГ САХОВАТИ

Мирзо Улугбек тумани 8-Бўз маҳалласи худуд-ида жойлашган Қўрлар жамиятининг ҳар бир аъзоси маҳалла аҳлининг меҳр-мурувватини қалб-дан ҳис қилиб яшайди.

Туман ҳокимининг ташаббуси билан маҳалла фаоллари ҳамда шу худуддаги “Abror” хусусий сано-тижорат корхонаси ҳомийлигида жамият аъзоларига меҳр ва мурувват кўрсатиш тадбири бўлиб ўтди.

“Abror” кафесида жамият аъзолари учун туқин дастурхон ёзилди, бадий томоша уюштирилди, уларга совғасаломлар улашилди.

Мухбиримиз.

Тошкент вилояти

МЕТАЛЛУРГЛАР МУРУВВАТИ

Яқинда Ўзметкомбинат АИБ ҳамда ушбу корхона касба уюшмаси шахримиздаги эҳтиёжманд оилалар фарзандларининг 600 нафарига 2 миллион 700 сўмлик турли совға ва туҳфалар топширидилар.

Меҳр ва мурувват йилидаги бундай эзгу иш учун Ўзметкомбинат АИБ бош директори А.Фармонов ва касба уюшмаси раиси М.Холиқовга шахримиздаги кўп болали ва кам таъминланган оилалар номидан миннатдорчилик билдирамиз. Комбинатнинг 60 йиллик тўйи арафасида кўрсатилган ушбу саховат намунасини, аминимизки, ҳамшаҳарларимиз уямбод унутмайди.

Мухлиддин ҚАЮМОВ,
Бекобод шаҳри А.Икромов номи маҳалла фуқаролар йиғини раиси.

ҚАЛБЛАРГА ЙЎЛ ИЗЛАБ

Жиззах шаҳридаги Алишер Навоий номи маҳалла фуқаролар йиғинида мурувватга муҳтож кишилар рўйхатга олиниб, уларга ҳомийлар бириктирилди.

Улуғ шоримизнинг номи билан аталувчи бу маҳаллада Меҳр ва мурувват йилида ана шундай ибратли ишлар амалга оширилапти. Эҳтиёжманд оилаларнинг фарзандларини уқув қўроқлари билан таъминлашни маҳалладаги тадбиркорлар ўз зиммасига олган. Байрам қўнғилирида эҳтиёжманд оилаларга совға-саломлар улаштиш аянгага айланган. Жумладан, Қурбон ҳайити муносабати билан бундай тадбирлар салмоғи кўпайди. Маҳалла фаоллари белгиланган хондонларга таширф буюриб, ёрдамга муҳтож кишиларга кўмак бердилар.

Бизнинг Меҳр ва мурувват йилида амалга оширижак эзгу ишларимиз бисёр. - дейди маҳалла оқсоқоли Ф.Бобомуродов. - Нуруний отахон ва онахонлар зиёратгоҳларга олиб борилади, ишсизлар маҳалла худудидagi корхоналарга жойлаштирилади, ишга жалб қилинади. Амнистия тўғрисида озод этилганларга маънавий ва моддий ёрдам берилди.

Бу ишларни амалга оширишда кенг жамоатчилик, айниқса маҳалла фаолларидан А.Расулов, Р.Саидхамедовлар жонбозлик кўрсатмоқдалар. Эҳтиёжманд оилаларга ўлдан ортик тадбиркорлар моддий жиҳатдан ёрдам кўрсатаётир. Улар ўтган 2003 йилда 80 нафар нуруний отахон ва онахонларни ўз ҳисобларидан зиёратгоҳларга олиб борган эдилар. Жорий йилда ҳам бу аянгани давом эттириш кўзда тутилган.

Парлабий ТОЖИБОВЕВ,
«Mahalla» мухбири.

ОБУНА-2004

Mahalla



— Яна нима дейди?
— «Mahalla»га обуна бўлишга ҳеч қачон кеч эмас, - дейди.

ИНСОН ҲУҚУҚЛАРИ, СУД ВА МАТБУОТ

миятга эга.

Юртимизда амалга оширилаётган суд-ҳуқуқ ислохотлари самараси ўлароқ, фуқароларнинг сулҳга мурожаатлари кўпайибгина қолмай, ишонч ҳам ортаётир. Жиноий жазоларнинг либераллаштирилиши, қонунчиликка тегишли ўзгартаришлар киритилгани, жумладан ярашув институтининг жорий этилгани кейинги пайтда 20 мингдан ортик фуқарони сулланишдан асради.

Судларда адолат тамойилини қучайтириш борасида ошкораликни таъминлаш, ҳусусан, суд ва оммавий ахборот воситаларининг ўзаро ҳамкорлиги борасида ҳам мамлакатимизда та-

лай ишлар амалга оширилаётир. Ҳуқуқий мавзуда қалам тебратётган журналистлар малакасини оширишга жиддий эътибор қаратилгани ўз самарасини бермоқда.

Марказий Европа ва Евроосиё давлатларида суд-ҳуқуқ ислохотлари жараёнини қўллаб-қувватлаш йўли билан қонун устуворлигини таъминлашга қаратилган тадбирлар ўтказишда бизнинг лойиҳамиз ҳам фаол иштирок этиб келяпти, - дейди СЕЕЛ дастури раҳбари Антони Барраш. - Хусусан, Ўзбекистонда судьялар, ҳуқуқшунослар ва юрид ўқув юртлари билан суд мустақиллиги, жиноят ҳуқуқи, ҳуқуқий саводхонлик ва инсон ҳуқуқлари лойиҳала-

ри борасида кенг ҳамкорлик қилияпти. Бундай самарали ҳамкорлик мамлакатингизда инсон ҳуқуқлари ва демократияни янада мустаҳкамлашда муҳим омил бўлиши, шубҳасиз.

Эътиборлиси шундаки, кейинги пайтда Ўзбекистон матбуоти саҳифаларида инсон ҳуқуқлари билан боғлиқ материалларга кенг ўрин берилляпти. Уларнинг қўпчилиги судлар билан боғлиқлиги жамиятда жамоат назорати шаклланаётганининг исботидир. Бу эса демократиянинг энг муҳим кўринишларидан бири ҳисобланади.

Шу боис конференцияда бу жараёни қўллаб-қувватлаш, ҳуқуқий ахборот олиш борасидаги айрим муаммоларни бартараф этиш зарурлигига алоҳида эътибор қаратилди.

Н.АБДУРАИМОВА,
ЎЗА мухбири

Mahalla

Ўзбекистон Республикаси
матбуот ва ахборот
Агентлигида
060 рақами билан
рўйхатга олинган.
Нашр кўрсаткичи:148

Ҳомий:
«Матбуот тарқатуви»
ҳиссасдорлик жамияти

Тахририят манзили:
Тошкент, Матбуотчилар, 32-уй
Телефонлар:
Қабулхона — 136-53-93.
Тел/Факс: — 133-44-25.
Масъул қотиб: 136-53-75.
Хатлар бўлими: 136-57-62.

Муассислар:

Ўзбекистон «Маҳалла» хайрия жамғармаси республика бошқаруви,
«Mahalla» газетаси тахририятининг меҳнат жамоаси.

